



101 istorgias al Di mundial da l'istorgia



Guids da TiM sustegnan ils 20 da mars a grond e pitschen per scriver in'istorgia davart in maletg u in'otra ovra d'art.

FOTO THOMAS KERN/TiM

Ils 20 da mars 2022 è il Di mundial da l'istorgia. Il project «TiM – Tandem en il museum» ha la finamira da scriver quel di tranter las 14.00 e las 17.00 ensemen cun visitadras e visitaders almain 100 istorgias. TiM e la Lia Rumantscha (LR) envidan dad inventar era istorgias rumantschas. En il Grischun èn da la partida il Museum reitric Cuira, il Museum d'art dal Grischun Cuira, il Museum Kirchner Tavau e la Fundaziun Nairs Scuol. Las guidas ed ils guidas da TiM animeschan las persunas preschentas da sa laschar inspirar dad in object u in maletg e dad inventar latiers ina curta istorgia. En tscherts museums spetgan guidas e guidas rumantschs per inventar istorgias en tut ils idioms. Tgi ch'è preschent en tge museum ves'ins sin la pagina da TiM www.tim-tam.ch. *Gianna Olinda Cadonau*, guida da TiM e collavuratura da la LR, vegn p.ex. ad esser preschenta en la Fundaziun Nairs a Scuol. Tut las istorgias vegnan publitgadas sin la plattform d'istorgias Musée imaginaire Suisse www.mi-s.ch. Uschia resulta ina rait spessa d'istorgias. Al Di mundial da l'istorgia ha plinavant lieu ina concurrenza: las auturas ed auturs da las «meglras» istorgias gudognan in pass dals museums svizzers. (cdm/fmr)